

Na osnovu člana 52. stav 1. tačka 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 15. stav 1. alineja 8. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 114. stav 3. Zakona o državnim službenicima i namještenicima u tijelima državne službe u Hercegbosanskoj županiji "Narodne novine Hercegbosanske Županije", broj 1/14), člana 44. Uredbe o načelima za utvrđivanje unutarnjeg ustrojstva tijela državne službe u Hercegbosanskoj županiji ("Narodne novine Hercegbosanske županije", broj 6/14), člana 35. stav 1. Uredbe o poslovima temeljne djelatnosti iz nadležnosti tijela državne službe Hercegbosanske županije koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa ("Narodne novine Hercegbosanske županije", broj 6/14), člana 25. stav 1. Uredbe o dopunskim poslovima temeljne djelatnosti iz nadležnosti tijela državne službe koje obavljaju namještenici i poslovima pomoćne djelatnosti koje obavljaju zaposlenici ("Narodne novine Hercegbosanske Županije" broj 6/14) i člana 38. tačka 12. Statuta opštine Bosansko Grahovo ("Službeni glasnik Opštine Bosansko Grahovo", broj 21/07), načelnik opštine Bosansko Grahovo d o n o s i

P R A V I L N I K

IZMJENAMA I DOPUNAMA PRAVILNIKA O UNUTRAŠNJOJ ORGANIZACIJI JEDINSTVENOG OPŠTINSKOG ORGANA UPRAVE OPŠTINE BOSANSKO GRAHOVO

Član 1.

U Pravilniku o unutrašnjoj organizaciji Jedininstvenog opštinskog organa uprave Opštine Bosansko Grahovo ("Službeni glasnik Opštine Bosansko Grahovo", broj 7/17) u članu 8. tačka 1. podtačka 1.2. u poslovima radnog mjesta Stručni savjetnik za civilnu zaštitu iza alineje 14. dodaje se nova alineja koja glasi:

– ostvaruje saradnju sa BHMACH-om (Centrom za uklanjanje mina u BiH) na razminiranju i obavlja poslove koordinatora za razminiranje;
Dosadašnja alineja 15. postaje alineja 16.

Član 2.

U članu 8. tačka 1. podtačka 1.3. mijenja se i glasi:

1.3. STRUČNI SAVJETNIK ZA PRIVREDU, RAZVOJNO PLANIRANJE I JAVNE NABAVKE

Opis poslova:

- koordinira izradu strategije razvoja i programiranja razvoja opštine,
- učestvuje u izradi strateških dokumenata kantona,

- stara se o usklađenosti budžetskog planiranja i programa javnih investicija sa razvojnim priritetima opštine,
- definiše podsticajne mehanizme za finansiranje razvojnih prioriteta utvrđenih u strategiji razvoja opštine,
- koordinira razradu i implementaciju projekata identifikovanih u strategiji razvoja opštine u saradnji sa nadležnim institucijama u okviru opštine, kantonalnim organima uprave, susjednim jedinicama lokalne samouprave i socio-ekonomskim partnerima, a koji doprinose realizaciji razvojnih prioriteta,
- koordinira proces monitoringa, evaluacije i izvještavanja o realizaciji strategije razvoja opštine u skladu sa utvrđenim sistemom indikatora i vodi javno dostupnu bazu podataka za praćenje implementacije strategije razvoja opštine,
- vrši poslove iz oblasti razvojnog planiranja i upravljanja razvojem u procesu evropskih integracija,
- obezbjeđuje javnost rada u procesima razvojnog planiranja, programiranja i implementacije, monitoringa, evaluacije i izvještavanja o strategiji razvoja opštine,
- u cilju implementacije strateških dokumenata prema principu 1 + 2 izrađuje prijedlog Trogodišnjeg plana rada koji predstavlja osnovu za izradu dokumenta okvirnog budžeta i plana javnih investicija opštine,
- na osnovu trogodišnjeg plana rada izrađuje prijedlog Godišnjeg plana rada za jednu kalendarsku godinu,
- vrši redovno prikupljanje podataka neophodnih za praćenje ostvarenja Godišnjeg plana rada i izrađuje Godišnji izvještaj o radu,
- izrađuje Izvještaj o razvoju za prethodnu godinu i osigurava da je isti dostupan na internet stranici Opštine Bosansko Grahovo,
- sačinjava izvještaj o evaluaciji Strategije razvoja opštine u skladu sa evaluacijskim kriterijima utvrđenim propisom propisom Vlade Federacije BiH o evaluaciji strateških dokumenata u Federaciji BiH,
- izrađuje nacрте rješenja koja se donose na zahtjevima za osnivanje i odjavu ugostiteljskih radnji, pružanje ugostiteljskih usluga izvan poslovnog prostora, osnivanje trgovačkih radnji od strane trgovca u svojstvu fizičkog lica i prestanak rada trgovačkih radnji, obavljanje djelatnosti trgovine isključivo ličnim radom trgovcu pojedincu, otvaranje i odjavu obrta i srodnih djelatnosti i obavljanje prevoza za vlastite potrebe,
- vodi obrtni registar i registre ugostiteljskih radnji, trgovačkih radnji i izdatih odobrenja za vršenje prevoza za vlastite potrebe,
- prati stanje u privrednim subjektima i predlaže mjere za stvaranje povoljnijih uslova za njihov rad,
- vrši poslove službenika za javne nabavke,
- učestvuje u izradi plana javnih nabavki Opštine,
- vrši i druge poslove koji se odnose na razvojno planiranje i upravljanje razvojem opštine koje mu odredi opštinski načelnik i pomoćnik načelnika za privredu, finansije i civilnu zaštitu, kome je neposredno odgovoran za svoj rad.

Uslovi za obavljanje poslova:

- **opšti uslovi iz člana 35. Zakona o državnim službenicima i namještenicima u tijelima državne službe u Hercegbosanskoj županiji,**

- završen ekonomski ili pravni fakultet, VII stepen obrazovanja – visoko obrazovanje prvog, drugog ili trećeg ciklusa po Bolonji sa najmanje 240 ESCT bodova,
- položen stručni ispit,
- najmanje 3 (tri) godine radnog iskustva u struci.

Vrsta djelatnosti; poslovi osnovne djelatnosti

Grupa poslova: studijsko-analički i stručno-operativni poslovi

Složenost poslova: najsloženiji poslovi

Status: državni službenik

Pozicija radnog mjesta: stručni savjetnik

Broj izvršilaca: 1 (jedan)

Za obavljanje poslova ovog radnog mjesta koriste se sljedeći propisi:

- Zakon o razvojnom planiranju i upravljanju razvojem u Federaciji Bosne i Hercegovine ("Službene novine FBiH", br. 32/17) i podzakonski propisi doneseni u cilju njegovog provođenja,
- Zakon o budžetima u Federaciji Bosne i Hercegovine ("Službene novine FBiH" br. 102/13, 9/14, 13/14, 8/15 i 91/15),
- Zakon o dugu, zaduživanju i garancijama u Federaciji Bosne i Hercegovine ("Službene novine FBiH", br. 86/07, 24/09 i 44/10),
- Zakon o privrednim društvima („Službene novine FBiH“, br.81/15)
- Zakon o javnim preduzećima („Službene novine FBiH“, br. 8/05)
- Zakon o obrtu i srodnim djelatnostima („Službene novine FBiH“, br.35/09 i 42/11) i podzakonski propisi doneseni u cilju njegovog provođenja;
- Zakon o ugostiteljskoj djelatnosti („Službene novine FBiH“, br.32/09) i podzakonski propisi doneseni u cilju njegovog provođenja,
- Zakon o trgovačkoj djelatnosti („Službene novine FBiH“, br.32/09)
- Zakon o unutarnjoj trgovini („Službene novine FBiH“, br.40/10 i 79/17)
- Zakon o drumskom prevozu Federacije Bosne i Hercegovine(„Službene novine FBiH“, br. 28/06 i 2/10)
- Zakon o javnim nabavkama ("Službeni glasnik BiH", broj 39/14) i podzakonski propisi doneseni u cilju njegovog provođenja.

Član 3.

U članu 8. tačka 1. podtačka 1.4. mijenja se i glasi:

1.4. STRUČNI SAVJETNIK ZA POLJOPRIVREDU, VODOPRIVREDU, ŠUMARSTVO I PLAĆANJE

Opis poslova:

- priprema i izrađuje stručne analize i izvještaje iz djelokruga svog rada,
- učestvuje u izradi analiza, izvještaja, informacija i drugih materijala kojima se informišu nadležni organi o pitanjima iz nadležnosti službe,

- daje stručna mišljenja i sugestije kod izrade, programa, projekata i planova razvoja te propisa i drugih akata,
- prati i primjenjuje zakone i druge propise iz oblasti poljoprivrede, vodoprivrede i šumarstva,
- ostvaruje saradnju sa nadležnim resornim ministarstvima kantona i Federacije BiH i drugim subjektima sa kojima je nužna saradnja na realizaciji programa i aktivnosti u oblasti oblasti poljoprivrede, vodoprivrede i šumarstva,
- vodi evidenciju poljoprivrednog zemljišta, stočnog fonda i druge evidencije iz oblasti poljoprivrede,
- prikuplja, sređuje i obrađuje podatke iz oblasti poljoprivrede, vodoprivrede i šumarstva i vrši statističko izvještavanje u toj oblasti na obrascima propisanim od strane Federalnog zavoda za statistiku,
- prati stanje u oblasti vodoprivrede i predlaže mjere unapređenja stanja u toj oblasti,
- učestvuje u izradi i implementaciji Strategije razvoja opštine, kao i izradi i provođenju kratkoročnih, srednjeročnih i dugoročnih planova opštine,
- zaprima i rješava zahtjeve za upis, promjene i brisanje iz registara poljoprivrednih gazdinstava i registara klijenata i po tim zahtjevima vrši upis istih u navedene registre,
- pruža stručnu pomoć strankama u postupku ostvarivanja prava na novčane podrške u poljoprivredi,
- izdaje uvjerenja i druga akta o činjenicama o kojim vodi službene evidencije,
- vrši plaćanja putem virtmanskih i gotovinskih platnih naloga,
- obavlja i druge poslove i zadatke iz nadležnosti službe po nalogu opštinskog načelnika i pomoćnika načelnika za privredu, finansije i civilnu zaštitu, kome je neposredno odgovoran za svoj rad.

Uslovi za obavljanje poslova:

- **opšti uslovi iz člana 35. Zakona o državnim službenicima i namještenicima u tijelima državne službe u Hercegbosanskoj županiji,**
- **završen ekonomski, šumarski ili poljoprivredni fakultet - visoko obrazovanje prvog, drugog ili trećeg ciklusa po Bolonji sa najmanje 240 ESCT bodova**
- **položen stručni ispit,**
- **najmanje 3 (tri) godina radnog iskustva u struci.**

Vrsta djelatnosti: poslovi osnovne djelatnosti

Grupa poslova: studijsko-analitički i stručno-operativni poslovi

Složenost poslova : najsloženiji poslovi

Status: državni službenik

Pozicija radnog mjesta: stručni savjetnik

Broj izvršilaca: 1 (jedan)

Za obavljanje poslova ovog radnog mjesta koriste se sljedeći propisi:

- Zakon o poljoprivrednom zemljištu ("Službene novine FBiH", br. 52/09),
- Zakon o poljoprivredi ("Službene novine FBiH", br. 88/07),
- Zakon o poljoprivrednom zemljištu ("Narodne novine HBŽ", br. 2/10),
- Zakon o stočarstvu ("Službene novine FBiH", br. 66/13),

- Zakon o šumama Hercegbosanske županije ("Narodne novine HBŽ", br. 4/14),
- Zakon o zaštiti voda („Službene novine FBiH“, br.33/03)
- Zakon o lovstvu ("Službene novine FBiH", br. 4/06),
- Zakon o slatkovodnom ribarstvu ("Službene novine FBiH", br. 64/04),
- Zakon o unutrašnjem platnom prometu ("Službene novine FBiH, br. 48/15),

Član 4.

U članu 8. tačka 1. briše se podtačka 1.6. kojom je utvrđeno radno mjesto Referent za preduzetništvo.

Član 5.

U članu 8. tačka 1. dosadašnja podtačka 1.7. postaje podtačka 1.6.

Član 6.

U članu 10. tačka 3. podtačka 3. 8. kojom je utvrđeno radno mjesto Administrator informacionih sistema.

Član 7.

Ovaj Pravilnik stupa na snagu narednog dana od dana objavljivanja u "Službenom glasni-ku Opštine Bosansko Grahovo", a objaviće se i na oglasnoj tabli Opštine Bosansko Grahovo.

OPŠTINA BOSANSKO GRAHOVO

OPŠTINSKI NAČELNIK

Broj: 02-02-641/18

Dana: 07.05.2018. godine

Duško Radun s.r.